庫全書

子部

欽定四庫全書子部

詳校官中書臣金應琦

侍讀臣孫球覆勘

校對官中書臣王 總校官庶吉士臣倉聖脈 騰録貢生臣王 宫

ところは かたの 間 中南行義 其身正身之道一言一動不 **办以言有物而行有恒** 親親 象知事之由内而出故 謹於内也言謹行 撰

金万四月百十 臣良勝曰君子身之所御大如綱常倫理小如事 事之所當為而力之所能為者君子必言之而後可 細微無非所當致力之地而周公獨以言行縣之片 則身正而家治矣 行行之而不失其言則內外一 之全徳著夫况言出乎身而加乎民行發乎頭而見 ·遠言行君子之 /樞機別榮辱而動天地率以是也 致本末無遺而君子

段定四車全書 中庸行義 大北象曰雷在天上大北君子以非禮勿履 冠贼其身而已欲之寇贼其心而無已也是故君子 赴湯火蹈白刀武夫之勇可能也至於克己復禮則 臣良勝日兵者有形之冠也欲者無形之冠也兵之 非君子之大壮不可能也故云君子以非禮弗履 程順口雷震於天上大而壯也君子觀大壯之象以 之謂强中庸於和而不流中立而不倚皆曰强哉嬌 行其肚君子之大壯者莫若克己復禮古人云自勝

寒泉日山上有水寒君子以反身脩德 得者皆反求諸己故遇艱蹇必自省於身有失而致 子之遇難阻必反求諸己而益自修孟子曰行有不 險阻故為蹇也君子觀蹇難之象而以反身脩徳君 程順日山之峻阻上復有水坎水為險阻之象上下 則邪乘虚而入而寇奪之矣非君子大壯其何能為 之防欲甚於防寇必開其邪心以存其誠斯須不謹 乙乎是反身也有所未善則改之無歉於心則加

次已写事全書 一人 復初九不遠復无祗悔元吉象曰不遠之復以脩身也 啓聖君德之成有可徵也試訟版築魚鹽海市士師 之地也 徵也然則蹇難之際固君子自反之心亦君子自成 臣良勝曰富貴利達所以厚生貧賤憂戚天所以玉 爾於成也遇蹇難而反身脩德是故多難興邦殷憂 乃自脩其德也君子脩德以侯時而己 之間皆以動心忍性而增益其不能臣徳之成有可 中庸行養

遠能復於善不抵於悔大善而古之道也 朱熹曰一陽復生於下復之主也又居事初失之未 欲有開蔽故人不能皆善而未免於有過過既逐而 此天地之心而已天地之心何所不善然氣有清濁 臣良勝曰復者復天地之心也人之所以為人者具 之道無他也惟其知不善則速改以從善而已 不改是之謂文過惡斯成也若有過而知不遠而改 程廟曰不遠而復者君子所以脩其身之道也學問

金グビアノー

皋陶謨曰慎厥身脩思永惇殺九族庶明勵異通可遠 ここりえ ニニア 将復於無過是天地之心全具於我而身無不脩矣 蔡沈曰慎者言不可不致其謹也身脩則無言行之 中心無為以守至正其是之謂乎 其庶幾乎故惟聖人而後能立於無過之地禮曰王 然此境界自難超詣以顏子克己之功而孔子但曰 失思永則非淺近之謀厚叙九族則親親恩篤而家 中庸行義

一多定四库全書 一 齊美庶明勵異則羣拍勉輔而國治美言近而可推 臣良勝曰身者天下國家之本也言行者身之本也 者容有作報怠忽於其間也若然則脩身之功益加 俗身而知所以致謹於言行決非為淺近謀者其思 密矣推之于家于國于天下舉而措之馬爾竊伏思 之遠者在此道也蓋身脩家齊國治而天下平矣 之永也亦思所以由内及外慎終如始惟恐脩於身 之古者紀君之致治莫先於典而必曰克明峻德則

無逸曰昔在殷王中宗嚴恭寅畏天命自度治民祇懼 欠巴马甲心島 一 不敢荒寧肆中宗之享國七十有五年 堯之所以為君者脩身也臣之輔治莫先於該而必 治民之際亦祇敬恐懼而不敢怠荒安寧中宗無逆 蔡沈曰中宗嚴恭寅畏以天理而自檢律其身至於 庭臣惟端冊早誤以進 **堯為臣如皋陶皆所以為萬世法程者方今典則堯** 曰慎厥脩身則皋陶之所以正君者脩身也為君如 中庸行義

金灰口下戶 能脩身而保民者未之有也或者乃曰後世若秦皇 之實如此故能有享國水年之效也 身治民之道然而臨御久遠亦數十年遂使陷淫籍 保民者乃所以保治也惟脩其身乃足以保其民不 臣良勝曰中宗之所以脩身者乃所以保身也所以 漢武梁武隋文及唐玄宗惟此樂之從實未聞於脩 口而周公陳戒之意漫若無徵臣聞蘇報有曰人君 之富其倍於人者千萬也膳服之厚聲色之美所以

君牙曰弘敷五典式和民則爾身克正罔敢弗正民心 火包里在每一 图中惟爾之中 蔡沈曰弘敷者大而布之也式和者敬而和之也則 者勢也幸而壽考用物多而害民久於已自聖輕茂 臣下至於失國宜矣然則人主之所决擇欲為中宗 贼其躬者多矣朝夕於其間而無以御之至於天死 之享國永年者乎抑為秦皇漢武梁武隋文玄宗之 永年者平 中庸行義

金万世后名 異言故曰式和此司徒之教也然教之本則在君牙 有物有則之則君臣之義父子之仁夫婦之别長幼 之序朋友之信是也典以設教言故曰弘敷則以民 言欲其所處無形行也中以心言欲其所存無邪思 之身正心中也民則之體而人之所同然也正以身 臣良勝口豈惟若哉人臣受君之命分君之職而所 君牙以司徒之職也 也孔子曰子率以正孰敢不正問公曰率自中此告

設定四車全書 主如壁寬分綽兮猗重較兮善戲龍兮不為虐兮 其澳詩曰瞻彼淇澳緑竹如簀有斐君子如金如錫如 而自如和易而中節也盖宽綽無飲東之意戲龍非 矣 朱熹曰以竹之至盛與其德之成就而又言其寬廣 以詳以之治民則安以法推之天下無所處而不當 必曰中與正馬中正貫天下之道也以之治己則慎 以立民之教亦必本之脩身有如此者而所以脩身 中庸行義

莊厲之時皆常情所忽而易致過差之地也然猶可 臣良勝曰衛武公年九十有五箴儆於國自卿以下 觀而必有節馬則其動容周旋之間無適而非禮亦 其脩身成德老而不俸故其成就至於如此聖人序 恪恭交戒當作懿戒自警又作賓之初筵以禮自防 不為也一張一弛文武之道也此之謂也 可見矣禮曰張而不弛文武不能也弛而不張文武 列於衛風之首蓋深意也夫鄭衛之音亂世之音

大三日日十七十二 訪落詩曰訪予落止率時昭考嗚呼您哉朕未有艾將 鄭衛之風聲習氣能盡移之哉故曰詩可以與也 鳥獸之族矣婦人乃有若莊姜共姜之節義自問丈 問級軟牆次熟奔之什人道展矣天理滅矣將淪於 無非華薄從忠使人入於善也讀詩者靜而思之桑 在人心者未嘗忘也茍為善雖之夷狄不可棄也豈 夫有若武公之老而成德彼獨非衛之人哉天理之 也比於慢矣即首以莊姜獻首以共姜與衛首武公 中庸衍義

降厥家休矣皇考以保明其身 子就之繼猶判沒維予小子未堪家多難紹庭上下陟 金グでがんごう 繼之者猶判強而不合也則亦繼其上下於庭防降 其道遠矣予不能及也將使予勉强以就之而所以 於家庶幾賴皇考之休有以保明吾身而已矣 之意言我將謀之於始以循我昭考武王之道然而 朱熹曰成王既朝於周廟因作此詩以道延訪羣臣 臣良勝曰讀淇澳之詩則知武公脩身之道惟保其

閣三年不言通禮也周公攝政非惟不即天子之位 雖成王之風志亦周公之本心也臣於是有以見周 終讀訪落之詩則知成王脩身之道必謀於始靡不 也故成王免喪朝廟即有関予小子之詩又有訪落 有初鮮克有終然而慎厥終者惟其始也成王謀始 而其所謂攝之云者亦百官總己以聽於冢宰之常 之道又見於免喪朝廟之初且終以延訪羣臣為務 公正君之功而釋其踐作之疑者馬夫天子之喪諒

欠三日日 八十

中庸行義

金分四月百書 歌是為周公攝政七年殊不知周公營洛欲成王留 治不可而以周公留後則是成王即政於西周而周 日居王位哉說者謂清廟之詩乃王在新邑烝祭升 居喪而周公家宰以聽百官古制也非周公一人為 之詩是周公已復政於王持衆美而效之矣何嘗 廟之禮其居太甲於桐宫亦該閣也但使近於湯之 之也伊尹以冕服祀於先王亦以太甲在丧而攝告 公還政居洛亦已久矣安得有七年之攝然則成王

北宫文子言於衛侯曰有威而可畏謂之威有儀而可 能有其國家令間長世臣有臣之威儀其下畏而愛之 **泉謂之儀君有君之威儀其臣畏而愛之則而象之故** 久已日草 A 馬 两人 墓則時思感愴發其善端為易馬爾伊尹阿衡之任 亦冢宰也是則周公之攝政非践祚也伊尹之遷桐 也臣故詳辨之以祛後世之感 **衡魚任託迹伊周遂成居攝即真之禍是萬世之憂** 非放君也成王太甲居喪之常禮也後世賊於以宰 中属行義

則而象之故能守其官職保族宜家衛詩曰威儀棣棣 之功天下誦而歌舞之可謂則之丈王之行至今為法 不可選也言君臣上下内外大小皆有威儀也問詩曰 金江江月月十 愛之也詩云不識不知順帝之則言則而象之也紂囚 問書數文王之德曰大國畏其力小國懷其德言畏而 之文王代崇再駕而降為臣蠻夷率服可謂畏之文王 文王七年諸侯皆從之凶紂於是乎懼而歸之可謂愛 朋友攸稱攝以威儀言朋友之道必相教訓以威儀也

交色日草白馬 三人 **曲禮日母不敬儼若思安定辭安民哉** 樂動作有文言語有章以臨其下謂之有威儀也 朱熹曰首章言君子脩身其要在此三者而其效足 `度周旋可則容止可觀作事可法德行可象聲氣可 道鮮矣 春秋註曰所以尊其君也求之威儀而不得脩身之 請象之有威儀也故君子在位可畏施舍可爱進退 臣良勝曰君臣威儀身之表也畏愛則象身之影也 中庸行義

金牙巴西人門 臣良勝曰禮者履也君子觀上天下澤之象以辨 必安定而不遽以此臨民有不安者乎此章凡四言 可使有一毫之不敬其容貌必端嚴而若思其言辭 真德秀曰敬者禮之綱領也母不敬謂身心內外不 以安民乃禮之本也 下定民志則君子為禮乃所以安民也然而身者民 而脩身治國之道器備其必聖賢之道言也 之本也禮者身之本也敬者禮之本也故曰母不敬 叁十

之心油然生矣易直子諒之心生則樂樂則安安則久 樂記曰禮樂不可斯須去身致樂以治心則易直子該 久已日年 台馬 不和不樂而鄙許之心入之矣外貌斯須不莊不敬 治心者也制禮以治躬則莊敬莊敬則嚴威心中斯須 久則天天則神天則不言而信神則不怒而威致樂以 作所者也以是脩身而安民禮之至也 發之於辭而安然則內外動靜無不敬者所謂用敬 無所不敬猶曰母意母必之無也萌之於思而儼 中庸行義

哀公問孔子曰古之為政愛人為大不能愛人不能有 易慢之心入之矣 金罗巴尼白量 其身不能有其身不能安土不能安土不能樂天不能 臣良勝曰君子之為禮樂也蓋以治身也其治身也 序也所以和者猶天地之和也故禮樂之道與天地 所以養身心人之心即天地也所以序者猶天地之 必有以治其心也身心治然後能作禮樂禮樂成乃 通有不在天地而在人之身心者

樂天不能成其身 次已日日 AS 子曰其身正不令而行其身不正雖令不從 范祖禹曰君者本也民者末也君者源也民者流也 居無所擇樂天則所遭無所怨俯能無所擇則仰亦 能有其身則一身無所容矣故不能安土安土則所 方氏曰不能愛人則傷之者至矣故不能有其身 不順成身之道亦順其理而已 無所怨矣故不能安土不能樂天能樂天則於禮無 中属行義 1

端身矣 敬有弟而求其順非恕也士能明於三恕之本則可 非恕也有親不能孝有子而求其報非恕也有兄不能 家語孔子曰君子有三恕有君不能事有臣而求其使 金岁世屋台雪 本正則末正源清則流清矣是以先王之治必反求 諸己己正則物莫不應矣 臣良勝曰夫子嘗曰有一言而可終身行者其恕乎 則脩身之道無有先於恕者然而恕之道亦多端矣

少包日年在書 中庸行義 則遠於患敬則人爱之忠則和於衆信則人任之動斯 顏淵問於孔子曰何以為身子曰恭敬忠信而已矣恭 嚴人道立矣人道立而身無不正矣 必友也責於人者必以恕而責於己者不自恕上必 也兄之求於弟者以順也則將曰吾所以厚之者未 也父求於子以孝也則将曰吾所以字之者未必慈 以恕待於下而下不以恕望於上上以其恕下以其 君求於臣以忠也則將曰吾所以使之者未必有禮 十四

大學所謂脩身在正其心者有所念懷則不得其正有 四者可以政國豈特一身者哉 金グロードところ 善而後為身善是身而後為人故曰踐形維肖者也 臣良勝曰人為天下善也人有是身即有是善備是 家國天下之本乎 之問不曰脩身而曰為身夫子告以勤於恭敬忠信 不然血肉之軀謂之無身可也謂之非人可也顏淵 非特以為身尚可以為國善平善平其所以為身為

東巴四軍上馬· 所恐懼則不得其正有所好樂則不得其正有所憂忠 則不得其正 無他情而已矣心藴於內待應物而發於外發於外 臣良勝曰凡學之本於身心者皆内也其無預於身 朱熹曰蓋是四者皆心之用而人所不能無者然 而當乎物是得其正情之正者心之正也心之正者 有之而不能察則其用之所行或不能不失其正矣 心者皆外也内之為學則外之者非學也身心之内

中庸行義

孟子曰事孰為大事親為大守孰為大守身為大不 懷恐懼好樂憂患遇其所當然而施之非有所主也 若水止可以和丹止可以和墨止可以和粉則失其 投之以丹則赤以墨則黑以粉則白水初無所預 身之脩也是故君子治心有如止水初無所動故念 下之人亦各因其當然而遇之爾 水之性矣吾惟情得其當然則心正心正而身脩 有所主則滯於物而為心之病矣故水初無色

金グピアクラ

吾未之聞也 漢文帝嘗幸霸陵欲西馳下峻阪衣盘攬轡帝曰将軍 后何帝乃止 交包四華全馬 騁六飛馳不測有如馬驚車敗陛下縱自輕奈高廟太 其身而能事其親者吾聞之矣失其身而能事其親者 京耶盎曰千金之子不垂堂百金之子不騎衡今陛下 則虧體辱親雖日用三牲之養亦不足為孝矣 朱熹曰守身持守其身使不陷於不義也一失其身 中庸行義

然遇軼材之獸駭不存之地犯屬車之清塵是胡越起 以為人誠有之獸亦宜然今陛下好陵險阻射猛獸卒 漢武帝至長楊獵白擊熊彌馳獸司馬相如諫曰物 金罗巴尼尼 於穀下而羌夷接擊也帝善之 類而殊能者故力稱烏獲捷言慶思勇期賣育臣愚 况有所謂脩身之道者乎以文帝之恭默思道武帝 臣良勝曰三代而下人主知保身之道者蓋亦鮮矣 乙雄十大略猶或輕身逐遊不知自重其他昏庸淫 有

如唐太宗受人諫疏直武其失會不愧恥豈若不為之 宋太祖謂宰相薛居正曰古之為君鮮能正心自致無 決定四車全書 過之地朕當風夜畏懼防非室愁庶幾以德化人之義 宇為寝身之荆棘贖貨薦賄為賈身之契券卿士有 色為伐身之谷斤旨酒厚味為迷身之鴆毒雕牆峻 侈又何足言然而害身之事非止遊獵已也淫聲艷 之所係尤大矣可不慎哉 於身家必破諸侯有一於身國必亡有天下者身 中庸行義

而使天下無間言哉 慾欲誠不行則心虚而善入氣平而理勝動無非禮 卷居常可知及聞王昭素養身莫善寡欲之言書之 臣良勝口宋祖開基終身寡過其若斯言致力於身 先儒胡寅有言曰人君莫大乎脩身脩身莫大乎寡 御屏朝夕自警故防非室毯正所以為寡怨之防也 心者亦不淺矣然其本則在讀書雖軍中而手不釋 無不善唐虞之治不越此矣臣每謂漢昭烈宋太

聖祖祀園丘患心不寧宋濂進曰孟軻有言養心莫善 然無所好敦行儉樸以身為天下先 書置殿座出入省觀斥侈靡絕遊幸卻其味罷膳樂泊 聖祖退朝之暇延接儒生講論經典取古今嘉言善 更起习事在馬 了 寡欲審能行之則心清而身恭矣 有溺馬則禍敗隨之故其為害甚於鴆毒朕觀前代 祖謂詹同曰朕思聲色乃伐性之斧斤易以弱人 可以語王道者正以此爾 中庸行義

靡曼之聲窈窕之色何求而不得尚不知遠之則小人 金グロガル言 乗間納其淫邪不為迷惑者幾人馬况創業垂統之君 君以此致亡者不少蓋為君居天下之尊享四海之富 諭福建行中書省蔡哲曰君子立身行己莫先於辨義 以垂裕後昆陛下此言乃端本澄源之道誠萬世子孫 為子孫之所承式尤不可不謹同曰不通聲色成湯所 法也 大義者保身之本利者敗名之源常人則惟利是超

聖祖御文華殿皇太子侍聖祖問曰此日講習何書 易言此心如止水明鏡無分毫私意累之然後接事 無私義之謂也私即忘公利之謂也要公之一字亦未 哲對曰臣菲薄叨承恩命敢不盡公以報聖祖曰公即 吏多以利林陷於罪戾今命卿往必堅所守毋蹈其非 火毛口草 上馬 物廓然無滯若使胸中微有芥帶則不能為公矣 而不知義君子則惟義自守而竟忘乎利所以異於常 八也福建濱海民物富庶番舶往來私交者衆往來官 中属行義

善四海家福一行不謹四海獲殃言行如此可不敬乎 道否因諭之曰君道以寧天爱民為重其本在敬身人 金牙巴尼西雪 所行無不善也盖善天必鑒之不善天必鑒之一言而 曰昨看書至商周之世聖祖曰看書亦知古人為君之 爾其識之 臣良勝曰宋濂寡欲之對即王昭素所以告宋祖者 也而我聖祖所以人己交脩內外交養古今備美動 一言一行皆上通乎天下繋乎民必敬以将之而後

たこり目 三十万一日 餘以訓迪皇子子孫則效謹於言行聲色之間益人 静備制視宋祖私曲畢見之功為益密矣又推其緒 君有恣於欲者聲色為之先也以訓飭臣工則致謹 臣子者佩服於斯則所以寧天愛民所以祈天永命 色義利聲色遠言行有則矣義利明公私自辨矣為 於義利公私之辨益人臣有縱於欲者貪利為之先 之脩身脩身本之正心正心本之寡欲寡欲本之聲 也此皆實際工夫而喫緊為人道也是故治天下本 中廟行義 Ŧ

矣哉 金牙口月白言 **顾彖曰天地養萬物聖人養賢以及萬民頗之時義太** 程順口聖人極言順之道而贊其大天地之道則養 育萬物養育萬物之道正而已矣聖人則養賢才與 乙共天位使之食天禄俾澤施於天下養賢以及萬 臣者聖訓之功其遠乎哉 則典司政本出則經營四方将不愧乎為人君為 右衍脩身之義

大巴马巨人的 一 高祖王漢中日養其民人以致賢人賢人之養皆民 養民之政則君為民以養賢賢為君以養民其義 未用之賢而養之者尤人君所深致意也故蕭何勸 然而天下萬國恒以編及為難但求天下之賢而養 臣良勝曰天之立君以亂民也君之繼天以養民也 民也 也雖然是既用之賢而有以養之其常也若其未成 之賢者得所養而居位無非推人君養民之心以行 中庸行義

金ケビ戸 皆相須以為命者也人君代天理物而有賊賢害民 未成賢之養民必資民以養賢天也君也賢也民也 學賢士之所關也是故賢不養何以周天下之用賢 者亦何哉雖然臣又嘗聞聖祖與儒臣論易至此有 不用何以養天下之民然而養賢於既用必養之於 賢譬猶不琢玉而求文采也故養士莫大乎太學太 相交為養也至董仲舒言於武帝曰不養士而欲求 之供也治人者食於人治於人者食人是民與賢亦 ノーマ

好九五以把包瓜含草有陨白天 たこうち という 體大而可包物者把也美實之在下者瓜也美而居 程顾曰夫上下之遇由相求也北高木而葉大處高 主養賢非難知賢為難嗚呼懿哉此廓聖賢所未 以至高而求至下猶以把禁而包瓜能自降屈如此 云知人最難若所養非賢反厲其民何補於國故 下者側微之賢之象也九五尊居君位而下求賢才 之意臣敢敬誦為今日獻 中朋行義

商高宗思復與殷而未得其佐乃恭點思道夢帝與之 良弼高宗以夢之所見視羣臣皆非也乃使工畫其象 故必含蘊章美內積至誠則有隕自天矣猶云自天 遇所求者也雖在己求賢若其德不正賢者不屑也 而降言必得之也自古人君至誠降屈以中正之道 又其內藴中正之德充實章美人君如是則無有不 求天下之賢未有不遇者也高宗感於夢寐文王遇 於魚釣皆由是道也

大巴马声 白色 |太公望子久矣號曰太公望載與俱歸立為師 獲伯王之輔於是遇太公於渭水之陽與語大說曰自 周文王將獵卜之曰非龍非影非熊非麗非虎非貌所 是也遂以為相 徧求於天下得說於傅嚴是時說操版築既至高宗曰 吾先君太公曰當有聖人適問周因以與子真是耶吾 臣良勝曰高宗文王思賢而求求而遇遇而有符於 真若有陨自天者然使遇而不用用而不盡其 中屬衍義

金、吳巴五人三世 惟高宗於說則曰若金用汝作礪若濟巨川用汝作 予曰有斧奏子曰有樂侮别兹太師其鷹揚愛伐用 賢而盡其用也文王於臣予曰有疏附予曰有先後 賢則亦失矣若孔子於魯衛孟子於齊梁果何益哉 舟楫若歲大旱用汝作霖雨故能嘉靖殷邦者以得 亦自然感契而應必有是君而後有是臣也故曰聖 之未盡尚以貽之後也嗚呼雲之從龍風之從虎蓋 人作而萬物觀

立政曰亦越成湯陟丕釐上帝之耿命乃用三有宅克 泛 空 里 全書 商邑用協於厥邑其在四方用丕式見德 即宅曰三有俊克即俊嚴惟丕式克用三宅三俊其在 蔡沈曰湯自七十里升為天子典禮命討昭著於天 準人之位者三俊謂有常伯常任準人之十者克即 者言湯所用三宅實能就是位而不曠其職所稱三 俊實能就是德而不浮其名也湯於三宅三俊嚴思] 下所謂防丕釐上帝之光命也三宅謂居常伯常任 中庸行義

國克生維周之楨濟濟多士文王以寧 文王詩曰世之不顯厥猶異真思皇多士生此王國王 俊者得以者其才賢智奮庸屋於至治其在商邑用 協於厥色近者察之詳其情未易齊畿甸之協則純 而不法之故能盡其宅後之用而宅者得以效其職 易編觀法之同則大之至也至純至大治道無餘藴 矣 之至也其在四方用不式見德遠者及之難其德

钦定四庫全書 也 朱熹曰其傳世豈不顯乎而其謀猷乃能勉敬如此 生而不用猶不生也故天之生賢何代無之惟世非 臣良勝曰任賢享天下之福觀之湯文其信然也但 也美哉此衆多之賢士而生於此文王之國也文王 賴以為安夫蓋言文王得人之盛而宜其傳世之顯 賢才之任天下豈惟用之為難其生亦自以為難有 之國能生此衆多之士則足以為國之幹而文王亦 と中庸行義

孔子閒居曰清明在躬志氣如神嗜欲将至有開必先 天降時雨山川出雲其在詩曰嵩高維嶽峻極于天維 其施則謂之世不生賢亦可也不然與國之才皆亡 為國之楨而君以寧乎其所謂有生不如無生者乎 若自文王而生之也彼關龍逢生於桀之世微子比 國之遺也文王在國成人有他小子有造譽髦多士 其君用非其道或隱匿而不見於用或小試而未竟 干箕子生於紂之世其能有用協式德之治乎其能

次年四年在馬 一 截降神生甫及申維申及南為周之翰四國于蕃四方 于宣文武之徳也 而文武無此詩故取宣王之詩為喻而曰此文武之 詩言文武有此無私之德故天為之生賢佐以與周 陳皓口清明在躬志氣如神即至誠前知之謂也皆 也國家将與天心為之豫生賢佐故引大雅嵩高之 如將與必有禎祥若時雨將降山川必先為之出雲 欲所願欲之事也有開必先言有以開發其朕兆者 中属行義 千六

ならいとしたとうで 德也 定於創造之初周家八百年興王之澤在文武之德 臣良勝曰聖王開基植國根本其歷年有永不永皆 業之規又為之生賢以繼垂統之治夫豈偶然之故 聖王不世出出有如文武者天既為之生賢以弘創 已有歷數之期已故雖經夷厲之衰而宣王中與天 乃寫生中南以應嶽神之降皆文武之德積累深厚 以致然也宣王之治益所以見文武之澤之延也夫

卷阿詩曰有馮有異有孝有德以引以異豈弟君子四 文已习旨 Line 晉侯乾於縣上以治兵使士勻將中軍辭曰伯游長昔 方為則 者矣 德性鎮其躁而消其邪日改月化有不在言語之間 吕祖謙曰賢者之行非一端必曰有孝有德何也蓋 哉 主常與慈祥篤實之人處其所以與居善端涵養 中庸衍義 千七

韓起佐之樂壓將下軍魏絳佐之新軍無帥晉侯難其 臣習於知伯是以佐之非能賢也請從伯游荀偃将 金万四月月日 軍士句佐之使韓起将上軍辭以趙武又使察麼辭曰 民是以大和君子曰讓禮之主也范宣子讓其下皆讓 **檕壓為法弗敢違也晉國以平數世賴之刑善也夫** 、使其什吏率其卒來官屬以從於下軍禮也晉國之 刑善百姓休和可不務平 如韓起韓起願立趙武君其聽之使趙武将上 T 塞十 **上軍**

秦人伐晋 左氏曰秦伯伐晉濟河焚舟取王官及郊晉人不 謂讀晉史可以見唐虞德讓之遺也士句讓善 臣良勝曰君子謂讀唐風可以見堯舜節儉之化臣 其讓如是悼公之命六官也其讓如是皆春秋諸國 刑之且城濮之戰命将也其讓如是邲之戰命将也 所未聞者霸業之盛亦賴夫是况明王有道之長者 國

たこり自己等

中庸衍義

き

晉侯問原守於寺人 金万里五百量 孟明之為臣也其不懈也能懼思也子桑之忠也其 是以知春移公之為君也舉人之周也與人之壹也 遂自茅 知人也能舉善也詩曰于以采蔡于沼于让于以 馬貽厥孫謀以燕翼子子桑有馬 乙公侯之事秦穆有馬凤夜匪懈以事 津濟封殺尸而還遂伯西戎用孟明也君子 、勃鞮對曰昔趙衰以壺飱從徑 **八孟明有**

欠已司臣公告 問與舉又兩失之者其何以救之哉 致命諸侯不宜謀及媒近以泰王命而晉君擇大 問非失舉也蓋失問也然猶羞當時陷後代若此況 殺望之誤之者晉文公也嗚呼得賢臣以守大邑則 政之端由是滋矣其後景監得以相衛鞅宏石得以 寺人雖或衰之賢足以守國之政不為敗而賊賢失 不公議於朝而私議於家不博謀於卿相而獨謀 柳宗元曰余謂守原政之大也所以承天子樹伯功 中庸行義

孟子曰左右皆曰賢未可也諸大夫皆曰賢未可也國 金少正月 人皆曰賢然後察之見賢馬然後用之 信矣然猶恐其蔽於私也至於國人則其論公矣然 朱熹日左右近臣其言固未可信諸大夫之言宜可 猶必察之者蓋人有同俗而為眾所悅者亦有特立 後從而用舍之則於賢者知之審任之重而不才者 而為俗所情者故必自察之而親見其賢否之實然

用賢急馬 周惇頤曰心純則賢才輔賢才輔則天下治純心要矣 臣良勝曰范祖禹云敛天下之賢者而聚之於朝使 之施其所有以為國之所有則賢無不得其所而民

物亦無不得其所矣是則治平天下之道雖堯舜以

大巴马車をある

中庸行義

能棄其過人皆可用已左右寺宦固非賢者所由進

則恃才者在所後已與其讓善則爭名者在所奪已

親賢為先務也然而擇賢之道固亦多端先其孝德

漢高祖曰運籌帷幄之中決勝千里之外吾不如子房 鎮國家撫百姓給飽餉不絕粮道吾不如蕭何連百萬 為我禽也 之衆戰必勝攻必取吾不如韓信三人者皆人傑吾能 用之此吾所以取天下項羽有一范增而不能用是以 主乎 之道也審度於此而得賢才之輔治者其惟純心之 臣良勝曰好善則裕自用則小創業之君每以知術

宋孝武欲擅書名而王僧虔報用批筆宋文擅文名而 吏事責之三公而魚行將相無非與下爭能爾至於 鮑照為俚語僅僅自免隋煬以詩思薛道衡而殺之 先天下而英雄欺世誰肯自謂不如人者高祖自謂 不如三傑真大度也若光武唐太宗亦為賢者以其 獨求勝其臣乃與其代之臣爭善正如妬婦不獨禁 及賈生魏明不能堪作漢文勝賈生論蘇軾謂此非 曰復能作空梁落熊泥否髙帝以後惟文帝自謂不

次已写真全

中庸行義

圭

制之日士大夫相慶於朝帝徹覘之以語學士歐陽脩 曰古者命相或得之夢卜豈若今日人情如此哉 宋仁宗以富弼同中書門下平章事與文彦博並命旨 其夫且妬人之妾也嗚呼此小技爾乃不能相容若 漢高祖之虚己聽人宋仁宗之人情尤協其底幾於 近古者 臣良勝曰三代而下純心用賢擇賢固難其選然若 此此高祖所以度越干古也

使召章溢劉基葉琛宋濂同至建業入見聖祖問勞曰 者宜令有司採舉備禮送至京朕将任用之以圖至治 一賢人而為之輔也今山林之士豈無德行文藝之足稱 之能騰雖者為其有鱗鼠也人君之能致治者為其有 備不足以為治鴻鵠之能遠舉者為其有羽異也較龍 王恒汲汲於求賢若高宗之於傅說文王之於日尚二 聖祖命吏部訪求賢才曰世有賢才國之實也古之聖 君者豈知不足也而皇皇於版察鼓刀之徒蓋賢才不

大臣日華日等 一

中庸行義

我為天下屈四先生耳四海紛紛何時定乎對曰天道 金少口月月 無常惟德是輔不嗜殺人者能一之爾曰卿等其留輔 一夜語必稱子完而不名進平江西頌上覽而喜曰吾 一禕隱青岩山中聖祖取婺徵至行在商略機務悉契 知浙東有二儒卿與宋漁耳學問之博卿不如濓才 臣良勝曰求賢之道旁及側微則在位之賢尊尚可 雄漁不如卿

とこうら とより 聖祖開科詔曰自洪武三年為始特設科舉以起懷以 武帝則曰吾聞之久矣望之為治禮丞而宣帝曰 此 堯之於舜曰予聞如何也倪寬視畜牧上所作疑奏 謂浙東二儒已素知之而辨其所長毫髮不爽即是 太平其道何以加此 左右權臣依幸之是聽烏能起太平之治聖祖身致 東海蕭生耶先儒有曰人主不能自知天下豪傑惟 知一 則曰先生一則曰子充惟師惟友無問然矣至 中庸行義 丰

之以官果有才學出於者特以顯揮使中外文臣皆由 稱其中選者朕將親策於廷觀其學識品其髙下而任 抱德之士務在經明行脩博古通今文質得中名實相 金万四月百十 科舉非科舉者無得與官 臣良勝曰登薦被召所以羅先代遺逸之賢也設科 中名實相稱之士不知今科目所得果若而人乎又 才矣竊觀聖詔所選必經明行脩博古通今文質得 取士所以收當代作養之賢也二者並行而野無遺

待下凡所委任非浸潤所能問說諛之人終見疎斤於 文皇外嚴內仁雄才大畧條理精密知人善任使推誠 過誤略小罪不以私愛蔽大罪 者們就文淵閣進其學結等選脩撰曾祭編脩周述周 永樂三年命大學士解縉等於新進士中選才質英敏 久已日年 LIAS 二人 聖祖求賢初意果若是否也 議者每日科目不足以得强拔他途而罷其之不知 謂中外文臣皆由科舉非科舉者無得與官而好異 中庸行義

孟簡庶吉士楊相劉子欽彭汝器王英王直余鼎章敬 羅汝敬盧翰湯流李時勉段民倪維哲表添禄吳紳楊 之英俊然當立志遠大不可安於小成為學少造道德 王訓恭廣敬王道熊直陳敬宗沈升洪順章樸余學夢 之做少具體用之全為文必並驅班馬韓歐之間如此 拔於千百人中為進士又簡拔於進士中至此固皆今 就天下古今之人未有無志而能建功成事者嗣等簡 勉二十八人入見文皇諭勉之曰人須立志志立則功

将來可得其用不可自怠以奉朕期待之意時進士周 亦積功所致也朕不任爾以事文淵閣古今載籍所萃 部月給膏燭鈔三錠工部擇近第宅居之 处已写版在的 恍自陳年少願進學文皇喜曰有志之士也命增忱為 立心日進不已未有不成者古之文學之士豈皆天成 可各食具禄日就閣中恣爾玩索務實得於己庶國家 二十九人遂命司禮監月給筆礼紙光禄給朝幕膳禮 臣良勝曰嗚呼休哉任賢之道以仁明誠達為之本 中庸行義 莨

含諸 马曰馬知賢才而舉之曰舉爾所知爾所不知人 哉 而語毀讒佞不足以間之不以過掩能不以私廢法 獨班馬韓歐之匹書曰敷求哲人以貽後嗣嗚呼 非備者其後道德文學之臣效忠宣力黼黻皇猷 程子曰人各親其親然後可 而養賢之道尊尚之誠諭教之切諸司供給之具無 獨親其親仲弓曰馬

金はいたとう

東記四軍全馬 一 舉賢援能有如此者 而進達之不望其報君得其志尚利國家不求富貴其 儒行曰儒有內舉不避親外舉不避怨程功積事推賢 見聖人與仲弓用心之大小推此義則一心可以與 賢才而舉之子曰舉爾所知爾所不知人其舍諸便 足以有容則物我之間無所別也天下有事而不治 吕大臨日儒者之志以天下為度者也寛裕之至既 心可以丧邦只在公私之間爾 中庸行義 主

金グピトノニー ロン 於天下之公也傳稱祁奚稱其響不為諂立其子不 為比忘乎親離者也公叔文子之臣大夫俱與文子 怨之避謂之公而實私也過計於一已之私而不同 天下有賢而不達吾任其責矣故知其賢者猶有親 之士七十有餘家忘乎貴賤者也管仲遇盗取二人 同升諸公忘其君臣者也范文子所舉於晉國筦庫 馬上以為公臣日其所與者可人也忘乎其素者也 能忘乎是而惟天下國家之利然後舉賢授能盡其

膏語人 をピリをとい 恥自勵 一玩典選舉所用皆清正之士雖時有盛名而行不由 哉 者終莫得進務以儉率人由是天下之士莫不以亷 鄉為尚書僕射以用人為己 競或才有可用資歷尚淺奏薦於 中庸行義 富於己小人之道也又何足 一任所除吏皆

THE REPORT OF THE PARTY OF THE 宰相之任公之盛德獨少此爾曾曰夫執政者恩欲歸 侍從備臺諫以公議用之多有未嘗識者 韓琦在相位所汲引多正直有名或忠厚可鎮風俗 金グロガノー 己怨使誰歸仲淹服其言 王曾進退士人莫有知者范仲淹嘗問曾曰明揚士 臣良勝曰用賢人主之權也薦賢人臣之職也臣薦 之君用之與治同道而野無遺賢矣 THE PERSON NAMED IN 人者誰適與謀取彼踏人 THE RESIDENCE OF THE PROPERTY OF THE PROPERTY

一虎不食投界有北有北不受投界有昊 文已习旨 A 容死而屈原猶以讒廢則夫利害未明者雖百賢能 位矣屈原之為楚使以結强援謀既效矣秦患之而 臣良勝曰尊賢之道去義為首龍人之說行則賢者 如緇衣惡惡如卷伯 賂上官斩尚之屬內及鄭袖交譖而出之懷王拘囚 之志沮其志沮則言不聽道不行不能一日安乎其 朱熹曰此皆設言以見欲其喪亡之甚也故曰好賢 中庸行義

金火で石石電 夫娶子內史蹶維趣馬楠維師氏艷妻煽方處 十月之交詩曰皇父卿士番維司徒家伯冢宰仲尤膳 臣良勝曰後官盛色則賢者隱微持衡之勢不待朝 朱熹曰小人用事於外而嬖妾蠱惑王心於內以為 者情之正也 為敵國用矣此寺人孟子惡讒至投有昊而無所歸 之主故也 | 護之味哉胡安國曰無極以讒勝而策士奇十

好專利而不知大難夫利百物之所生也天地之所載 國語厲王說榮夷公为良夫曰王室其将平乎夫荣公 灰包写事 全島 蘇謂之有女我者必有男我其理然也太真既寵 盤結於外正人君子尚何為容足之地乎驪姫內嬖 齡心疎九齡既疎林南心用林南用殺三子而亡之 而中生必死重耳必出里克首息均於不保其身史 **美欲令智昏豈特不保其臣哉** 夕而自見艷妻若褒姒者既盡於內則尹氏之小 中庸行義 手九

我然民莫匪爾極大雅曰陳錫載周是不布利而懼 将導利而布之上下者也使神人百物無不得其極猶 猶謂之盗王而行之其歸鮮矣禁 乎故能載周以至於今今王學專利其可乎匹夫專利 日休惕懼怨之來也故周頌曰思文后稷克配彼天立 也而或專之其害多矣天地百物皆將取馬胡可專也 所怒甚多而不備大難以是教王王能久乎夫王人者 公為卿士諸侯不享王流於孫 ジビ 公若用周必敗既禁

からいうらんない 勢也遠州之行矣憲宗於淮蔡用命其任裴度同休 奉天罪己其視陸勢真如魚水裴延齡以義餘進則 臣良勝曰義利猶水火也其不能相入也明矣尊賢 與流濕同歸爾 社稷皇甫鎛以聚欽進則度也外鎮之命矣入者主 為國義之利也貪利喪國利之害也成湯懋功懋賞 之出者奴之入者輔之出者行之其播遷篡弑之禍 功德並施必以不殖貨利為之先也後世若德宗於 1 中庸衍義 四十

多为四月 在書 臣如薦之不避親也不避怨也必崇本也必訓俗也 也有下之也有任之也有全之也而後用賢之道至 臣良勝曰尊賢之道二有君道馬有臣道馬君如用 虚生賢之用也不為徒用臣所以成天下之務君所 間也色無所奪也利無所撓也而後賢之生也不為 不市恩也不青報也而後薦賢之道至又必讒無所 之有養之也有求之也有擇之也有知之也有好之 以享天下之福等賢治道之大成也臣敢縷觀陳之

た己の巨と言 昭明協和萬邦黎民於變時雅 **堯典曰克明峻德以親九族九族既睦平章百姓百姓** 姓之親亦在其中也睦親而和也 臣良勝曰同姓之親自吾而上及於始祖自吾而下 及於雲仍皆一 蔡沈曰九族高祖至玄孫之親舉近以該遠五服異 惟聖明采覽馬 右衍尊賢之義 一體而分也由母而推及於父母兄弟 中庸行義 學十二

金分四月五十 行章詩曰敦彼行華牛羊勿踐履方苞方體維禁泥泥 戚戚兄弟莫遠具爾或肆之筵或授之几 由妻而推及於父母兄弟皆一氣而連也故惟親之 時雍亦自親睦九族而推周敦順曰治天下有本身 而天下疏也此親親所以為仁民愛物之先也可不 之謂也治天下有則家之謂也家難而天下易家親 而後睦之然必克明峻德以為親睦九族之本協和

臣良勝曰天地生物一本而己猶木而千枝萬葉皆 藹然已見於言語之外矣 授之几矣此言其開宴設席之初而殷勤篤厚之意 葉泥泥疾戚成兄弟而莫遠具爾則或肆之筵而或 朱熹曰言敦彼行幸而牛羊勿踐履則方苞方體而 故古之治最重親親親而賢賢賢賢而貴貴堯舜 根之所發也水而千支萬派皆一源之所流也是

大三日日 二五 四 中庸行義

之時九官元愷多出世族周封同姓文昭武移並列

四十二

維寧宗子維城無件城壞無獨斯畏 金とりところろうで 富辰曰太上以徳撫民其次親親以相及也昔周公吊 板詩日价人維藩大師維垣大邦維屏大宗維翰懷德 德則得是五者之助不然則親戚叛之而城壞城壞 朱熹曰言是六者皆君之所恃以安而德其本也有 顯侯是以入而助祭 祭而宴享皆若家人之禮而畧 則藩垣屏翰皆壞而獨居獨居則所可畏者至矣 君臣之分觀行葦之詩可想見矣

处包四車全書 又 斜合宗族於成周而作詩曰常棣之華野不難難凡今 明部雍曹滕軍原野師文之昭也形音應韓武之移也 親其若之何 則兄弟雖有小忿不廢懿親今天子不忍小忿以棄鄭 之人莫如兄弟其四章曰兄弟閱于牆外禦其侮如是 凡将邢茅胙祭周公之盾也召移公思周徳之不類故 叔之不成故封建親成以藩屏周管蔡柳霍魯衛毛 臣良勝曰富辰言周之親親可謂備矣襄王不聽是 中庸行義 四十二

愛百姓愛百姓故刑罰中刑罰中故庶民安庶民安故 宗故收族收族故宗廟嚴宗廟嚴故重社稷重社稷故 後樂詩云不顯不承無数於人斯此之謂也 能敬宗收不離散也宗道既等故族 陳皓曰祖之遷者愈遠宗之繼者無窮必知尊祖乃 用足財用足故百志成百志成故禮俗刑禮俗刑然 以有出居於鄭之禍所謂城壞而畏者也 曰是故人道親親也親親故尊祖尊祖故敬宗故 老十 CILIDIDE ELENDING 恒產者有恒心倉廩實而知禮節故非心邪念不萌 濫而民安其生安生樂業而食貨所資上下俱足有 廟之篇言文王之德豈不光顯乎豈不見尊奉於人 之不可輕則知百官族姓之當愛官得其人則刑不 乎無厭戰於人矣引此以喻人君自親親之道推之 而百志以成非爭陵犯不作而禮俗一致刑猶成也 之禮嚴肅內嚴宗廟之事故外重社稷之禮知社稷 如此則協氣嘉生薰為太和矣豈不樂乎詩周頌清 中庸衍義 罕型

金分四月月十 惟垣大邦維屏大宗維翰懷德維寧宗子維城母俾 壞無獨斯畏所以親親賢賢褒功表德閣諸盛衰深根 一於齊亦五侯九伯之地詩載其制曰介人 厭戰也 百同姓五十有餘周公康叔建於鲁衛各數百里太 而家而國而天下至於禮俗大成其可樂者亦無 侯王表曰昔周監於二代三聖制法立爵五等封 不可拔者也故盛則周召! 7 相其治致刑錯衰則五 人維藩上 國 固

夫内無骨肉本根之輔外亡尺上潘異之衛陳吳奮其 之共主强大弗之敢倾歷載八百餘年數極德盡至於 伯扶其弱與共守自幽平之後日以陵夷至平院區河 洛之間分為二周有逃責之臺被竊鈇之言然天下謂 私智姆笑三代荡滅古法竊自號為皇帝而子弟為匹 赧王降為庶人用天年終號位已絕於天下尚猶枝葉 相持莫得居其虚位海内無主三十餘年秦據勝勢之 地騁祖許之兵盤食山東一 中庸衍義 切取勝因於其所習自任 四五

たビロレム

也漢與之初海內新定同姓寡少懲戒亡秦孙立之敗 為與楚東帶江湖薄會稽為荆吳比界淮瀬界盧衡為 大行左轉渡河濟漸於海為齊趙穀四以往奄有龜蒙 於是割裂疆土立二等之爵功臣侯者百有餘邑尊王 淮南波漢之陽亘九嶷為長沙諸侯比境周匝三垂外 子弟大政九國自雁門以東盡途陽為燕代常山以南 好胡越天子自有三河東郡賴川南陽自江陵以西至

金分四月月十

白提劉項隨而斃之故曰周過其歷秦不及期國勢然

暇給孝惠享國又淺高后女主攝位而海內宴如亡狂 巴蜀北自雲中至隴西為京師內史凡十五郡公主列 たにコラ ニナラ 夏、中庸行義 景帝用晁錯之計削具楚武帝施主父之策下推恩之 者踩孙横逆以害身喪國故文帝采賈生之議分齊趙 也然諸侯原本以大末流濫以致溢小者淫荒越法大 狡之憂卒折諸吕之難成太宗之業者亦賴之於諸侯 官同制京師可謂矯枉過其正矣雖然高祖創業日不 侯頗邑其中而藩國大者跨州魚郡連城數十宫室百

金好四月在書 親屬疏逐生於惟牆之中不為士民所尊勢與富室無 皆亡南北過矣景帝遭七國之難抑損諸侯減點其官 三皇子始立者大國不過十餘城長沙燕代雖有舊名 析自此以來齊分為七趙分為六梁分為五淮南分為 異而本朝短世國統三絕是故王於知漢中外殫微本 武帝有衡山淮南之謀作左官之律設附益之法諸侯 惟得衣食稅租不豫政事至於哀平之世皆繼體苗裔 令使諸侯王得分户邑以封子弟不行點陟而藩國自

便乎封德奏對曰歷觀往古封王者今最為多两漢以 據南面之等分遣五威之吏馳傳天下頒行符命漢諸 降封帝子及親兄弟若宗室既逐非有大功如周之郎 唐太宗即位舉宗正屬籍問侍臣曰徧封宗子於天下 求容媚豈不哀哉是以推其終始殭弱之變明監戒馬 侯王厥角稽首奉上璽敍惟恐在後或廼稱美頌德以 嗣作威福廟堂之上不降階序而運天下許謀氏成遂! 末俱弱亡所忌憚生其好心因母后之權假伊周之稱 とこうう ニナラ 中庸行義

· 動玩四牌在書 滕漢之賈澤不得濫封所以别親疎也先朝敦睦九族 宋太祖即位承唐之制宗室襁褓即列土而爵之降至 数十人封王 典皆有禄秩所寓州縣月有鎮廪凡諸王公侯伯子男 養己之親也於是宗室率以屬疏降爵郡公惟有功者 疏屬宗正存籍王牒有名宗學有教郊祀明堂過國慶 公駅物之道帝日朕理天下本為百姓非欲勞百姓以 切封王爵命既隆多贻力役蓋以天下為私殊非至

皆子孫承嫡者傳襲若無嫡子及有罪疾立嫡孫無嫡 とこりる ハナラーマー 中庸所義 孫以次立嫡子同母弟無母弟立庶子無庶子立嫡孫 同母弟無同母弟立庶孫曾孫 臣良勝曰三代而下享國之長曰漢曰唐曰宋其建 親叙族封制屏翰强弱盛衰利害大較如是漢用其 强其大必折是以煩削奪之策起叛逆之資然劉章 王之後害由是利亦由是唐宋用其弱雖不獲利害 制諸吕光武奮於長沙定王之後昭烈起於中山靖 四十八

一 五 五 四 月 全 書 洪武元年十一月宴東宫官及儒士各賜袍服先是建 大本堂取古今圖書充其中延四方名儒教太子諸王 分番夜直選才俊之士充伴讀時賜宴賦詩商確古今 洪武三年四月以封建諸王告太廟禮成宴羣臣於奉 評論文字無虚日 苗裔日遠謂至今存可也嗚呼兹永世之利哉 科名濟濟相望趙鼎趙汝愚輩存登相位國祚雖移 亦鮮矣漢之劉向唐之李白不廢仕禄而宋則王牒 -

莫不皆然其間治亂不齊特頗施為何如爾要之為長 建所以庇民周行之而久遠秦廢之而速亡漢晉以來 今諸子既長宜各有封爵分鎮諸國朕非私其親乃遵 海宇寧諡然天下之大必建藩屏上衛國家下安民生 四方鼎沸民遭途炭朕躬率師徒以靖大難皇天養佑 次已日華 白馬 四 古光拍王之制為久安長治之道群臣稽首對曰陛下 封建諸王以衛宗社天下萬世之公議聖祖曰先王封 天門及文華殿聖祖諭廷臣曰昔元失其馭群雄並起 中庸行義 乳

久之計莫過於此 金发电压人 策王止親子無及他親其後遞封有郡王有将軍中 越十古者矣既無漢室尊土之强亦無煩於分邑之 臣良勝曰我祖宗肇建親藩教愛一 制矣議者謂左官之制近方有同於漢王牒之學後 封郡王宋太祖時宗室襁褓即裂土而爵之者為有 尉之别制禄因之視唐高祖時從弟姪始成童者悉 期有舉於宋制禄之地初省一國今宗茂以繁如山 一體規制宏密度

とこうう ことり 一日 中南所表 球陋何敢偕陳謹述近聞用備采擇當聞一子受禄 者必思哀多益寡達愛通之權以建萬世之策愚臣 支百萬石而未已地不改開民亦漸寡有經世之責 失時以號於官府奔訴於京師雖彼自失貴貴之體 要亦有負親親之仁如求目前近計户部難於處分 仁及其宗一家積餘周於里黨令貴為天子而天下 禄糧至積欠数百萬石皇子皇孫而衣食不繼婚娟 西河南陕西湖廣江西諸處國初賦止萬石今至度 五十

剑分四月全書 盤皆非常額之賦近年沒入劉瑾江彬錢軍等錢亦 萬石而未已若管造婚媚之費物産庄田之求齊郎 為官用之脏皇上富有四海出此美餘以親九族當 欲賦於民而地廢民逃已不堪命欲給於官而官庫 惟欲均平今初封宗室地方原禄萬石者今至有百 不惜也或日是非可繼之策臣又曰國初分封定賦 虚耗不足常供臣當聞太倉節年附餘銀兩久未查 民校之役又不知幾十百倍於初其他未有分封之

數去處齎赴各布政司分給是亦均平足賦之一畫 通賭博紀放禄粮已往债負並照近年漕運私债之 也至於各處抽分鈔屬錢物所收倍於所解賢者恥 漁無等正煩經理少濟度支仍乞戒諭宗親無得交 多寡量派禄粮每年同折銀征解户部酌量原派少 尚須他省接濟外其餘未有分封省分隨原額粮数 於美餘自進而不肖者輔以貪騎自甲會隸交通侵 地賦役如常以此較彼輕重懸殊若除兩京及邊境

大已日年全島 四

中庸行義

金グロアノニ 家宗枝之盛皆祖宗積德所致今於族有親疎然近 補之無方而善後之無策及至有求有犯而徒挫辱 親親仁民之政稱物平施之道皆於是乎在若謂處 例從眾科斷已往宥之庶幾可鄉既往可濟方來而 利免追其好家積年放债免糧規取厚利者特立條 上覧之曰古人重世族譜蓋欲正倫理篤恩義我國 非愚臣所知也當聞宣廟時楊士奇楊榮修王牒成 之無禮懲治之無法則亦付之無可奈何而已是則

大三司馬 三方 松高詩曰中伯番番既入于謝徒御嘽嘽周邦咸喜戎 明峻德以親九族將來盛福當過周家臣謂宣廟之 最遠國家世德隆厚故本枝繁行陛下又遠宗帝堯 言深有得於祖宗之心陛下之言必有契於宣廟之 所自實本於一人朕何敢忽士奇等對曰問自后稷 何言哉 言在廷之臣有如士奇者不知宜何如為策也臣復 以來世積忠厚是以子孫衆多維持王業所歷年世 中庸行義 车二

金分四月在 有良翰不顯申伯王之元舅文武是憲 今有良翰矣元長憲法也言文武之士皆以中伯為 臣良勝曰宣王于異姓之親可謂厚矣命召公定其 朱熹日申伯既入于謝國人皆以為喜而相謂曰汝 宅徹其土選其私人重以車馬介圭之錫出郊之餞 也吉南頌之則曰松蘇降神而生又曰四方于宣曰 極其禮遇將為異數之恩宣王非以元舅故而私之

懷哉懷哉曷月予還歸哉 楊之水詩曰揚之水不流東新彼其之子不與我戊申 謂秦之始封於雅已知其有朝同列之風申之始品 封之後隆盛如此固宜其有尾大不掉之患也君子 怨至率犬戎殺之遂有東遷之禍周亦以衰臣觀始 南國是式曰文武是憲其功德在人固宜優厚之者 但既封之後親寵日隆幽王復娶其女為后以熙生 于謝巳知其弱周室之漸矣

とこう巨とう

中庸行義

動分四月五十 漢文帝實后兄長君弟廣國字少君聞后立上書自陳 后言帝召見問之具言其故是實后持之而泣厚賜之 家於長安絳侯灌將軍等曰吾屬不死命乃且懸此二 朱熹曰申侯與犬戎攻宗周而弑幽王則申侯者王 法必誅不赦之城而平王與其臣庶不共戴天之誓 也今平王知有母而不知有父知其立己之有德而 酬恩之舉則其忘親逆理得罪於天已甚矣 不知其弑父為可怨至使復仇討賊之師反為報施 卷十

たこうう ニトラ 」 漢章帝時皇后兄竇憲以賤直奪沁水公主園田事覺 子不敢以富貴驕人 乃選長者之有節行者與居長君少君由此為退讓君 人所出微不可不為擇師傅又復放吕氏大事也於是 臣良勝口少成若天性習慣如自然文帝以終灌之 母后之弟必宜於法此謂恩威並用待外戚之至要 言而擇人以教外戚遂成謙讓之德至薄昭有罪雖 也文帝於此蓋懲於吕氏之禍者深矣 中國所養 至

金分四月五十 鹿為馬久念使人驚怖國家葉憲如孤雜腐鼠爾憲大 帝大怒切責憲深思前遇奪主田園時何異於趙高指 震懼皇后為毀服謝良久乃解使以田還主 臣良勝曰章帝於竇憲已洞燭其好横之情矣既失 宗保全為厚尤多且不懲於王氏之禍而復使之與 則邀功萬里父子兄弟至為卿校悍卒刺容布滿都 政鄭を以為言竟中以漏洩機事罷之欲釋罪專封 教於初若能如文帝不貸以法於憲非薄而實氏之

巡那國留鎮京師委以禁兵雖極言正議及與賓客語 とこうえとう 未嘗及國事 善之及顯宗立為皇太子以識守執金吾輔導東官帝 光武時陰識以征伐軍功增封叩頭曰天下初定將師 有功者衆臣託屬掖庭仍加爵邑不可以示天下帝 於終已不若文帝教之於始為得也 城卒以誅夷是章帝貸審憲一人之罪乃所以聽審 宗之禍也豈曰爱之云哉雖然縱使章帝制之 中爾河茂

金万四月全書 以元舅之親思禮甚篤然能謹保身明德皇后寢疾 宋太宗朝李繼隆特被親信每征行必委以機要真宗 哀平外家二十保族全身四人而已真德秀又謂田 蓋在滿而太溢位有餘而仁不足也漢與以後迄於 臣良勝曰崔駰嘗言外戚所以獲識於時垂愆於後 如是也 家而已成里之難全亦至於此則陰識之自全者宜 粉騙横僅而獲免丁氏之禍見於身後其獲全者二

を己の馬 At 同 中庸行義 欲面見之上促其往繼隆但於萬安門外拜笺終不入 又當命諸王詣第不設湯若弟假從行茶爐烹飲馬 愛不償一日之修甲第厚貴無赦同坎之悲豈不哀! 宜也當考漢之威屬以權寵敗者十有六家而召氏 若繼隆周慎若此此宋之后族保全盛節與國成休 臣良勝曰宋朝家法最正外戚不預政事其一也又 王也其罪之及一人之禍未足深悼蓋有數十年之 王氏為盛後漢則梁竇氏晉楊賈氏唐武韋氏猶召 至

間獨寝時直入卧內頓首伏青浦上涕泣言曰皇太子 漢元帝寝疾太子希得進見駙馬都尉史丹視疾候上 金分四月在書 以嫡長立積十餘年名號繋於天下百姓莫不歸心臣 搖之議審若此公卿以下必有死爭不奉詔臣願先賜 子見定陶王雅素愛幸今者道路流言以為太子有動 必思所以自全於其終 哉人君而知此必思所以保全於其始戚屬而知此 以示草臣天子素仁不忍見丹涕泣言又切至上意

たこうをこう 好廣眉四方且半額城中好大袖四方全匹帛斯言如 官中多餓死長安語曰城中好高髻四方高一尺城中 必有其本傳曰吳王好劒客百姓多創癩楚王好細腰 衛尉馬廖慮美業難終上疏勸成德政曰夫改政易風 豈可違指駙馬都尉安所受此語丹即卻頓首曰愚臣 妄聞罪當死 亦何不念乎然無此議且皇后謹慎先帝又好太子吾 中庸行義 五七

大感喟然太息吾日困劣而太子兩王幼少意中

戀戀

一量沈閎人莫測其際臨阻遇敵胆氣益壯故敵無不勝 戲有切事實 金分四月在言 國朝李文忠父貞尚曹國長公主以舍人領軍策應器 數其制之也無難又所以為親親之先事也乎 乎但丹以父任為中庶子廖亦將軍援之後也然則 馬廖蓋不徒保族宜家蓋亦有益於人國也賢可少 臣良勝曰内戚之善諫有若史丹外戚之陳言有若 姆肺腑必擇文武世德世澤之厚者其教之也有 7

たこううこう 性理之學出為詩辭旨壮偉可觀至音樂華美事泊如 及釋兵居家恂恂若儒士嘗師金華乾祖幹胡翰講明 臣彭韶赞曰熟戚之胄一世人豪淹貫群籍曾是六 獲 臣良勝曰昔唐太宗以長孫無思為司空因辭曰臣 里實為爾勞庸建上公以國於曹追王廟食後衛龍 韜甲囊盡亦家有戰袍宋元故都無舉并包宣威萬 中庸行義 주

 泰預外戚恐天下謂陛下為私太宗曰吾為官擇人 為失而武三思韋月将楊國忠之朝下大政未必不 惟才是與苟或不才雖親不用今日之舉非私親也 夫無忌本太宗布衣交凡舉大事决策為多是固不 取之也以權守之也以正取之為英雄客守之為子 即解兵務祖宗之為後世處也深矣太宗無忌雖不 以親為嫌也文忠於開創之際戰功茂者年方四十 以無忌為故實也大抵守天下與取天下其道異也

くこうら たた 臣故録之以備考馬 為關防之說至今獨悔賢奏曰此見太后之德但後 里典替務者大學士李賢言於上曰祖宗以來外戚 孫計其運用固有難以齊者降及英廟時乃有以威 不可為例嗚呼祖宗之立法後世之守法斯盡之矣 不與政令若此不審太后知乎曰太后正不樂此初 右行親親之義 中庸行義 五九

